

Segun mr. David Kock nan a presenta un caso contra Ministerio Publico

# Abogadonan contra e idea pa duna FBI tur cos

ORANJESTAD (AAN) — Den entrevista pa DIARIO mr. David Kock, ken ta e abogado defensor di e rumannan Kalpoe, a expresa su sorpresa riba un carta cu a worde dirigi na Ministerio Publico, den cual gobierno ta solicita Ministerio Publico pa duna tur cooperacion na FBI, den e continuacion di e investigacion tocante e desaparicion di e hoben Mericano Natalee Holloway.

Den e carta, mr. Kock a subraya, ta worde pidi pa Ministerio Publico aporta na FBI tur tape, entrevista, y otro material disponible den e investigacion aki, y e ta mira con pa hopi dia prensa Mericano ta poniendo presion riba Aruba pa esaki sosode, y esaki ta e caso tambe.

Mr. Kock a menciona cu ora e abogadonan concerni a haya copia di e carta nan a reaccion di biaha na Ministerio Publico bisando cu esaki no por. El a agrega cu e caso aki ta simplemente un caso mas, pero door di e media a bira un caso mundial, pero riba su mes no ta nada particular.

Kock a sigui bisa cu tur hende mester atene nan mes na reglanan di ley, y Ministerio Publico tambe. No por ta asina cu Ministerio Publico ta usa instrumentonan cu ley ta duna pa interroga hende, tape entre otro, y kita hende su libertad, etc., y no ta posible cu aworaki nan ta bay duna esakinan na hendenan cu no tin ni un sorto di autoridad na Aruba, pa nan bay haci loke nan kier cune.

Esaki ta contra ley, contra derecho di privacidad di



hende, y algo cu simplemente no por! Nan a keda straña cu esaki a sosode diabierna atardi, mientras cu diasabra y diadomingo ta un Comisario di Curacao tin cu bay atende e caso aki.

En todo caso, e abogadonan concerni a manda un carta den cual ta bisa nan pa informa nan no mas tarda cu dialuna 9' or cu nan no ta bay esey, pero nan tin entendi cu e Fiscal a viaha caba cu tur e filenan. Den e carta ta worde bisa tambe pa nan tene cuenta cu e consecuencianan cu por bin despues, pasobra tin ora cu Ministerio Publico ta perde casonan, por ta no pasobra nan no tin razon, pero pasobra cu na ta haci foutnan.

Ademas den e carta ta worde bisa cu e abogadonan ta bay pidi huez pa declara nan no admisible si nan mester sigui caso contra Kalpoe. El a agrega cu riba su mes gobierno por manda carta pa Ministerio Publico, y esey no ta e punto di discusion, pero si, si Ministerio Publico ta bay cumpli cu e requisito of solicitud manera ta poni den e carta, unda cu gobierno ta

Como cu e proceder di gobierno no tin base den ley, e abogadonan concerni a presenta ayera un caso den Corte contra Ministerio Publico ayera mainta, y nan a keda pendiente riba e contesta na nan carta pa no haci esaki. Como cu nan no a contesta e deadline a pasa y nan a entrega e caso. Aworaki nan tur ta wardando e ora y dia stipula pa Huez pa nan bay e audiencia. Abogado Kock a bisa cu no ta cuestion di tin miedo cu

FBI por saca afo cosnan cu polis na Aruba kizas no a logra, pero ta cuestion di cumpli cu e reglanan cu mescos cu un hende cu ta worde deteni mester sigui, Ministerio Publico tambe tin cu cumpli cune. Posiblemente Huez di Curacao lo bin atende e caso, mirando cu Hueznan di Aruba kier tene distancia mirando e relacion cu un familiar di un detenido tin cu Corte.

instrui Ministerio Publico pa haci cierto cosnan cu no ta na su lugar.

Pero no ta solamente e carta sino cu mesora Fiscal a viaha cu henter e dossier riba diadomingo, e abogadonan ta inclina na pensa cu nan tambe ta bay cumpli cu e instruccion aki.

Kock a agrega cu enberdad FBI ta na Aruba, pero nan no tin ningun sorto di autoridad y den medionan di prensa Mericano tambe varios biaha esaki a worde treci dilanti. E abogado a subraya cu nada contra cu instancianan di afo colabora unda cu falta conocimiento tecnico na Aruba, pa investiga cierto cosnan. Por ehemplo e tape cu e cabey cu a worde haya recientemente y cu a worde manda afo pa haci e testnan riba dje. Pero no por ta asina cu nan ta manda henter un dossier y laga nan investiga pasobra nan ta bira manera un di dos Cuerpo Policial cu ta bay investiga algo cu a sosode plenamente na Aruba. Esaki ta algo cu a pasa riba Aruba y aki mester worde investiga a base di nos leynan y no envolver nada otro.